

國

朝

詩

鐸

國朝詩鐸卷二十五

錢唐張應昌仲甫選輯

商賈

邵長蘅佑客泣篇見盜賊門

朱樟蠻賈行見懷遠門

估客行

饒學曙

析津置郡天都南地富蜃蛤多魚鹽燕齊幽并此都會
海王之國無江潭熬波出素雪花積平沙百尺如山尖
富商大賈多晉魏吳儂越儉或兩三日操奇贏計什一
耳目所見窮芳甘彈弦跼蹐市門倚目成眉語歌兒憨

不節之嗟非所識漏卮無當誰能堪擁貲或論數千萬
負債忽已窮石偕吁嗟佑客之樂樂至是盈虛轉瞬爲
常談君不見西莊占邱壑文酒翕集如春蠶只今樹石
捆載去過客好事空停驂

豫章
樂府 質肆平

蔣士銓

官街蒯卒大索人質肆晝閉市僧奔械之廳事脫布禪
方伯怒罵吏朴臀不仁者當剝我民按簿示罰民欣欣
失重失輕權異衡一正銖兩毫釐分金準一兩錢一緡
反質勿阻其有遵大書警誠縣肆門持錢入肆來紛紜
小兒襁褓妻釵裙負歸茅屋傳公恩君不見一牒遄郵

十三郡萬世西江著爲令

米商歎

范來宗

子年大水沒隴畝米商居奇金滿斗丑年春夏二麥無
米商販載盈江湖嗟哉若輩心計甚但願年饑怕歲稔
詎知天運轉如環變歎爲豐戶高枕舳艫銜尾吳門來
十隻船來九不開陳陳相因米價落商人愁煞民人樂

嶺南
樂府

十三行

海賈列肆在廣州城外
昔本十三家今存數家

樂 鈞

粵東十三家洋行家家金珠論斗量樓閣粉白旗竿長
樓窗懸鏡望重洋荷蘭呂宋英吉利其人深目而高鼻
織皮卉服競珍異海上每歲占風至 天子神聖海內

足不貴遠物遠人服萬國梯航奉職貢八荒舞蹈稱臣
僕此非外藩非內附互市常來澳門住魚目換將南海
珠木蠹苗蝗復誰悟昔時勾致由貪民大舶滿載波斯
銀豈知番人更狡詐洋貨日貴洋行貧圈鹿關牛豈足
載海市蜃樓多變態南山白物見無時蕩盡私囊欠官
債

質庫謠

夏之盛

哀質庫生計艱難迫歲暮懸鶉衣叱犢袴庫中不顧質
者怒質者爾勿怒富民更比窮民苦解 約劑求息亦
甚微質庫便民如取攜輸息而贖三年期滿質而售半

載遲市會貧且狡售值何時歸一解 嗟哉質衣庫近作

賣衣局質衣自滿仍自鬻鬻物得錢還待質挹彼注茲

如轉轂溝澮之盈亦易涸三解 十載兩勸賑輸將金千

百待哺方嗷嗷稱貸敢不亟逋券如蝟毛欲歸歸未得

幸而稍有贏先急償官息四解

鐵鑪

吳世涵

括州無大賈大者推鐵鑪鐵鑪利亦細其害乃堪虞千
夫荷鍤來架屋蒼山隅鑿厓以爲道決水以爲渠洗沙
必洗山豈第在平蕪伐木必伐根豈第取薪芻朝陶萬
斤鐵骸骨盈中途暮鑄萬斤鐵千山盡焦枯塚墓旣被

掘地脈亦劬鋤亂石塞溪間泥沙填通衢一旦山漲發
遂以壞田廬往者連水患村舍成陂湖長吏懲禍本豎
碑禁此徒近復蹈故習徇利若鶩趨若不重爲禁厥災
勝剝膚作此告仁人勿謂吾言迂

估客苦行

樂府有估客樂變
爲苦述所見也

無可

昔言估客樂今言估客苦昨日泊舟楓林下左右舳舻
盡商賈見彼哽咽當風餐爲言作客江湖難江湖近年
多盜賊布衣夜脫安可得徵賤鸞貴雖不貧風波萬里
眞辛苦更逢當關多暴吏欲浚錙銖加重罪可憐曠黑
不開關苦守巨浪危檣間恨不載金長安買都尉等閒

見汝一官何足貴。

淘金

田雯淘金謠見稅斂門

張鳳孫金牀行見貢獻門

采礦

閉礦行

潘耒

潮郡綿萬山客程傍山行路逢采樵者略說諸山各指
點最深處云中有銀坑盜採昔無禁贏糧走疲氓尋苗
斷巖腹排砂出精英鎔冶爛成餅朱提遜光晶貧兒可
暴富利源起紛爭攘奪或相殺盜賊滋縱橫小利乃大

善官長豈不明處脂有餘濶欲禁焉得成賢哉今太守
張抑 清廉莫與京始至啖以利峻拒如堅城決策遭封
閉塞爭銷姦萌居民始安堵桴鼓寂不鳴我聞重太息
斯人信那楨遠宦在天末雅操能冰清或言山澤藏天
地之奇贏方今急治財百計謀金生何不條便宜官采
輸額征嗚呼此厲階毒蠱不可嬰地產有時盡國課恆
取盈前朝礦稅禍糜爛如沸羹丁男化亡命去弄潢池
兵富國在本計錐刀非所營端人恥言利宏羊竟當烹
此語合洗耳勿令賢守驚

礦洞開採卽事

康熙庚子奉命
勘驗山東礦務

陸師

帝膺太寶五十有九年梯航來山海歷數追羲軒
蠢爾西域醜恃遠外陶甄 皇帝赫然怒西顧每睠焉命
將肅天討出師屯窮邊健兒馬騰躍轉粟車聯牽九牧
胥貢金虞衡爭輸錢開府紆籌策入告啟長箋岱嶽昨
效靈銀甕出重淵緬惟神禹制三品貢荆蠻太公表東
海九府通財源流傳逮敬仲府海兼官山不勞耕與織
有利如流泉持此佐大農歲可致億千 皇帝聞之吁
天語遲未宣咨爾六卿長慎選郎官前地果不愛寶潔
齋告山川期年試無益遄歸莫遷延朝奉 丹闕詔夕
跨郵亭鞍是時五六月暑雨方連綿鬱蒸肌理炙沾溼

衣裳單駐足渤海郡結茅嵩峯巔

屬臨胸縣

投林同鳥雀宿

野伴猴猿饑餐脫粟飯渴飲潢流湍小臣咕嗶土白首
攻陳編將事滋戰慄讀史多憂煎未精貨殖傳忝竊中
官權山骨巧匠斲汞訣丹仙傳穿洞黑穴地削嶂青摩
天時防海眼裂復怕陰火然深阱設桔槔宛轉車輪翻
一夫操短綆百丈互迴環失足落坑塹枕藉屍難完民
命良可痛銖鎰奚足言經國有奇謨大利在桑田陰陽
洵時若萬寶自駢肩烏用山澤竭迺令府庫填所以孔
桑輩青史多譏彈矧茲京左臂血脈相蜿蜒豈惟洩地
氣亦恐搖天關 皇帝至神聖憂勤益恭虔水旱厯

上念蠲賑無中慳和氣格上下不日靖西番可笑海填

石枉教山受鞭恨無折檻力排闥回天顏昨聞擲奏

牘兩浙叨安全侍御有請開浙礦者命擲還原奏乾坤自默運日月長

高懸小臣體明詔敬獻采風篇按公行狀載公駐臨胸三月遠近若不知

有官者旋與同事五人暨中丞合疏請停事遂得寢許馬長淑礦洞小記

采銅鉛鐵

銅山吟

王太岳

滇南僻絕徼百貨稀關津惟有林麓富到處瞻嶙峋時
於瘴氛外光氣疑金銀銅山列坑阜盤盤鬱青雲靈苗
吐一綫中有不貲珍湯丹最雄厚竦處諸峯尊茂麓及

落雪燦列三星文其餘復間錯寶藏紛岩嶙青金次三
品譁囂陋瑤琨元氣盛扶輿鍾此洱海瘡神臯與天府
甯復夸蜀秦粵稽此何始中天際昌辰 皇風美勿穆
民俗崇龐瘠維茲天末產遠近初未聞取攜既不禁有
無亦能均采爲治鑄用利澤通無垠資此錢布饒償彼
萬用屯遂令荒瘠區熙熙日如春問此遵何術清靜無
紛紜後始置官厥僅亦云司存偷奪豈不懲寬大固所
敦征商比市易已責同券焚在綱誠有條網漏舟還吞
受值未及半奇贏已多門公私兩給足權然意交忻豈
惟寬得衆洵亦均無貧大鈞有幹運時事旋飈輪赫赫

李少保閱議排因循，輟彼海道，販易以瀕，產殷轉輸，供
九府歲倍百萬鈞，下以減商負，上以資俸緡，滇銅從此
著，乞求斷戶，麟近疆，逼黔粵，遠通漢渭，濱各購巨萬計，
符牒日委填，滇中官吏懦，應命如響，臻竭澤取鯤，鮪非
時窮，斧斤日給，恒不暇仰，屋空吟呻，譬如百金產，飯飽
衣粗，温那堪，一家食分減，贍四鄰，餅疊日以罄，脂膏日
以賤，坐看好家室，終窶不自振，官司勇從令，疾苦誰咨
詢，鞭箠到斑白，逋逃動成羣，大吏號曉事，封章徹天闈，
皇仁沛豐澤，稠疊施醲醇，三五老商客，感泣沾裳巾，皮
骨幸猶在，誓當輸骸筋，四遠召工匠，要約爲弟昆，晨朝

集洞口赤立褌衣幫箒燈戴其首千仞窮冥昏銛鋒石
齒觸斷壁苔斑捫當暑苦疫癘毒霧雜炎雰冬寒體生
粟手龜足亦皸河中况偪側氣噎不得伸上如緣垤嶮
下如負山蛟偃僂如腫背慘黯如幽魂作勞豈不劇未
死期酬 恩昊天誠罔極軀命何足云礦路日遼遠開
鑿愁堅珉曩時一朝獲今且須浹旬材木又益誦山嶺
童然髡始悔旦旦伐何以供樵薪以茲艱採鍊動遭官
府嗔假貸息倍稱剜肉猶瘡痕程課歲難賦逋累陳相
因路窮思變計由舊兼圖新窮山走暗夜望氣覘紛縕
黃緣循礦脈斧斲聲礮礮始焉見雞窠微茫辨胎渾進

步阻石峽縮手呼蒼昊幸而得堂礦室家象溱溱鼓銳
更采入氣奪千人軍豈知涌水出大隊驚淵淪前勞付
一擲千萬爲沙塵况復山腹空崩頽斷雲根割如土委
地一斃數百人叢骸埋亂石隱隱成邱墳獸死息猶萌
鳥死哀鳴頻如何此奄忽寂寂聲響泯窮泉閉幽翳終
古冤沈湮深宵聞鬼哭寒風閃陰燐吁嗟人命賤曾不
如雞豚利普遍億兆不能庇一身山海殖財貨豈以災
芸芸陰陽有翕闔息息歸陶甄盡取不知節力足疲乾
坤周京制園法斯亦關經綸生民共日用所貴利溥存
多寡有分數遠邇無畦畛劑量一失理悲樂區以分入

國朝言金 卷二十一
政首食貨邦本念尤厯百姓苟不足何資奉君親我願
司計吏治絲慎無夢錢幣誠所重民勞亦堪懂忍待盈
科進長養庶物芻阜成庶可致藉以答 聖君

銅山行

陸元鉉

惟金三品一曰銅四百六十山崇隆南番色青滇色白
出蜀者赤光熊熊辨銅官廢許民采爭思驅石煩神工
鑿苗既得寶氣出產銅處先有銅苗怯膽變勇生歡宗廣招砂

丁逾萬指

入山采銅者曰砂丁

但有少壯無耆童踐蛇衝虎莽呼

喝山鬼不逃無蹤初猶登登事鋏錘片片削落青芙
蓉披荒鑿險漸幽峭沈沈漂黑成砢礧取精在骨不在

肉不入其穴難爲功。瓦燈熒熒承以頂。轆轤繩達泉三
重。螺旋蟻折窈而曲。踏著卽是稜稜峯。千搜萬索日劓
削。菁華漸竭根虛空。砉然崩奔石怒落。疾雷破壁驚魂
從。有時潛蛟忽起舞。失腳遽逐奔流衝。亦有毒淫積肝
膈。出竇便已無人容。罡風一吹頓僵仆。窮山乾死隨飛
蓬。以身試險險難測。性命往往輕沙蟲。我聞邛笮古荒
土。作息今已多耕農。爾食爾力樂終歲。何爲入坎忘終
凶。利市三倍已太苦。况有大賈專其雄。可憐砂丁出死
力。赤手依舊爲人傭。人生豐嗇要有數。神不福汝徒冲
冲。不見黃頭郎爲漢。大中銅山不救飢時窮。

鉛廠

趙雷生

黔陽舊產鉛黑白有二種深谷潛韞藏高山森籠從開
闢煩五丁混沌現竇孔兩手持斧鑿兩足撥荒茸一火
銜口內閃爍微風動曲折入幽深巖窟泉溶溶破頂下
水車雪珠天半湧曠其洞中泥燦似沙裏汞熬以槽抽
爐居然祥金踊上者運神京報最邀天寵邇來耗黠
商國課缺承奉遂使有用資慨遭居奇壅安得能事
吏善爲斯廠董

鐵廠詠

嚴如煜

史公載平準大書桑孔事上佐軍國需資賴鹽鐵利興

釜耕以刀厥功同陶埴古聖前民用貨惡人地棄南山
當坤維金精靈氣積處處興鼓鑄民命亦所寄當其開
採時頗與蜀黔異紅山鑿礦石魄磊小坡歸黑山儲薪
炭縱橫排雁翅洪鑪兩三丈傑然立員巔風箱推連宵
燭天紅光熾高匠看火色渣傾液流地銚板堆如屋范
模成農器黑溝黃花川家具頗堅緻鎚鍊工良苦鑄鎔
資不易老林連坡陀匠作採取恣奈此旦旦伐年來曠
山翠一厥指屢千人皆不耕食蚩蚩無業氓力作飽朝
餽上天不愛寶助我 太平治豈無逋逃猾雌伏屏鼻
息豈無透漏奸覲禁嚴關吏地利有時盡生計以憔悴

乃知宏羊法病國非爲義

厥述四首

吳振棫

華楹具百戲雕俎羅八珍指使諸僮奴佩服麗且珍問
官所職掌曰鐵錫銅銀朝上一紙書暮領十萬緡會稽
足課額可以娛嘉賓勿謂官豪華視昔官已貧頗聞有
某某憑陵居要津巨僚日相狎小吏不敢嗔積金北斗
高歌舞難具陳歌舞豈不歡事勢如轉輪 朝廷固寬
大國法亦以伸事過三十年殘魄含酸辛官今當黽勉
富貴天所命鳩卮與漏脯智者終逡巡哀哉銅山下乃
有餓死人

滇廠四十八寶路區瘠肥媪神豈愛寶苗脈有盛衰攻

采况歷久造物亦告疲甯台與湯丹

銅廠之最

今亦異曩

時比資烏坡銅鉅鑿逮窮夷

滇銅不足

以蜀之烏坡小

廠益衰竭徵課檄如馳何從獲硬硤

硤謂之硤硤石堅

間或得草皮

浮淺而少者曰草皮礦

雞窩不滿萬

餓鞘亦奚爲

餓鞘有苗無礦

長菱入龍窟水洩費不貲

硤有積水百計

涸之謂之拉

年年苦缺額呵譴安敢辭我聞古銅官坊

治各有司方今吏事繁難理如亂絲况復昇厥政最殿

較銖鎰既耕復使織蹙蹙安所施誰能劑虧盈法美用

意微上瞻九府供下給家室私官私病治術其庶

幾

受事平其爭厥長凡有七

客長主官事謀長主納課爐頭主爐火鍋頭主役食鑲頭

主鑲架硃長主礮

錘手與砂丁是皆長所帥有犯則扶

之如奉令甲乙背荒何勞勞

開峒負土也

晝夜戒無佚帕首

縛一燈行若緣縫蝨仰攻亦俯入但懼引綫失風穴竅

豁呀

入深苦悶齧風洞以疏之

廂木架踈密

硃慮下陷支以木間二尺餘支木四曰一廂洞

之遠近龍驚地軸裂一人不復出悲哉乾蟻子枯腊黑

於漆

洞陷則死者無算或爲寶氣所養屍不腐名曰乾蟻子

更聞扯火勤爐罩難

畢述

煎礮曰扯火煎紫板用美人爐將軍爐壘鼓用紗帽爐啞銅用火風太極爐銅夾銀用推爐鉛夾銀

用蜈蚣罩黑銅用蝦蟇罩者爐之別種也

金銀發猛氣浸淫爲癘疾去此

憂飢寒一死豈自恤爭尖與奪矜刀劍鬪狂獠

東西異綫開采

而同一礦則有一

朝鳥獸散探舐入人室索之籍無

名山等費窮詰持以問長官填撫用何術

廠主半客籍逐利來窮邊

出費開廠者曰廠主率皆客籍其自稱曰客民

入官

報試采自竭私家錢欣然大堂獲繼以半火煎

礦最旺曰大堂

晚煎曉成

謂之半火抽課得羨餘三倍利自專百貨日麇集優倡

肆妖妍荒荒蠻嶂中聚若都市闖泥沙快揮霍變化出

承鉛卅鑪鑄橫財陶猗不足賢聞者饑涎垂擾擾蟻集

羶儼然師故智謂命豈在天叩囊出黃金一擲虛牝填

所願倘不償室家徒蕭然妻孥難存活伴侶空相憐不

如扶犁好猶得守薄田請看足穀翁飢飯飽卽眠

鉛運篇

澶州謁林菊史觀察指示鉛運之利弊述其語以告來者

俞汝本

林公昔在滇運銅至京邑爲言運利弊使我心感泣公未出省垣先有板主卽

板主卽攬頭

許以八百緡闖者爲引

汲公早知其姦屏之勿與入輕車而簡從所役皆樸直

公令先下渝易服乃敢出爰有日者徒驛舍相與值自

言僱舟便萬得無一失

公言出省時令親信家人作商人狀先至重慶僱客舟有一星

命術士相值力言板主之害代爲僱舟

彼僕入其中事事商密勿所營悉

妥貼價廉更什伯公後見之喜卽令任其職誰知柄在

手敢將舟舵匿聲言必加補方克行至北公乃赫然怒

一牒入州宅。琅璫曳以求相見。面無色。但求救其罪。敢效此心。赤公命書狀來。免爾再反側。斯人愧無語。一路安且默。彼言板主惡。此卽板主賊。百計務鑽謀。焉知心黑白。勸君再勿用。當防彼姦慝。我聞夢初覺。謹自爲孽。晝與受若輩。愚甯受百艱。厄黽勉告同儕。凡事宜親歷。剛斷操自心。小信誤人國。

采石

汪沆鑿石謠張鑑石船行並見擾累門
朱實發前溪樂府禁石岩篇見善政門

采木

木廠詠

嚴如燧

岐豐治西伯道通化斯行作屏詠周雅伐木聲丁丁終
南勢蜿蜒接連太白橫千里蔚蒼翠參天灌木縈名材
挺杉栗松柏冬青青採之利民用販運遍兩京鉅者作
梁棟細亦供爨頽商人厚貲本坐籌操奇贏當家司會
計領岸度工程書辦記簿册包頭夥弟兄森森連抱材
縱斧牽以繩天車輓坡嶺天橋度澗阨背板力任重強
健驟爲名積聚待漲發水腳贖溪泓猴柴堆谷口塞峩
排木城一廠羣工備大者千百并以漸開而進約束似
行營西通棧壩奧東接商郇陘工徒半流徙億萬倚以

生前年生萌蘖不逞潢弄兵扼吭仗健將元惡戮鯢鯨
民利詎能禁患生亦可矜開採資商本實賴時屢亨糧
賤生計易坐貪歲功成商利大於母工徒聚如蠱旱潦
事難定豐歉倏變更一年食已貴再歲遂難撐斗粟值
千錢商繙工亦停紛紛食力傭何自供使令况復牛山
美光濯乃常情雖云老林僻壤地還可耕詎知採運時
一木百人蠹蟠根地尋丈種穀能幾莖高寒贖磽确五
種異郊墜曲突苦無計上座屢舉觥安危邊亦腹撫馭
誰其能綢繆謀應預稽防慮貴精天作太王荒咀矣路
平平祥和慶 盛世屢豐卽永甯

自注俗稱常家領岸
書辦包頭均木廠小

夥名色厥中背板健夫號某騾子運木過山用天車過
澗坑用天橋皆架木爲之又木料積山中俟山漲大發
始能放往歲岐郡盤屋厥徒因停工滋事總兵吳廷
剛領兵徑趨厚畛子巢穴縛首逆萬五故迅速完事

采薪

賣薪謠

王敬之

野人賣薪曉入城半擔百錢買者爭今年入夏三尺雨
蘆洲沒盡湖波平窮檐乞米謀熟食一日一度炊煙生
東薪比桂忽爲怪歲暮還愁無桂賣君不見村村拆屋
償前債

採薪女

嘉應民俗男逸女勞採薪之役非止健婦
深閨弱質懼有強暴之辱焉詩以警之

黃安濤

採薪女多辛苦三朝入門便卸妝短衣結束持樵斧上山朝採薪山頭霧雨淋滿身下山暮負薪山腳虎狼驚煞人那得避霧雨亦莫怕狼虎只愁道旁惡少年牽衣草寮爭數錢

采煤炭

采煤曲

鈕琇

雲根斲盡龍山拆轆轤深縷垂千尺額燈蒲伏漆爲膚飢驅貧子齊肩入朝入還期夕數錢忽逢崩石生長捐千村土銜炊烟出中有民命如絲懸

掘煤歎

程夢湘

湖南多山恆產煤千夫萬夫爭向開居人擔荷出地底
有似白晝山魃來運載入城難論直一斛五錢休歎息
窮民盡力掘山根奔走依然乏朝食吁嗟此產口用所
必需何況利之所在人爭趨無如蠢爾民至愚不知山
頭塚纍纍悉是爾民祖父之身軀爾貪微利昧天性忍
將白骨棄路隅朝掘煤納官租暮掘煤養妻孥朝暮掘
煤煤已無吁嗟乎爾祖爾父骨未枯

采煤歎

王鳴盛

小車軋軋黃塵下云是西山采煤者天寒日暮采不休
面目黧黑泥沒踝南人用薪勞擔肩北人用煤煤更難

長安城中幾萬戶，朱門金盤酒肉腐。吁嗟誰憐采煤者。

擔炭行

李調元

路入睢水關，巘岬通一線。詰曲遇來人，背挑無非炭。斑
白亦負戴，單衣纔至胛。任重杖乃興，浹髓皆流汗。滿面
烟火色，十指黑如澱。問翁炭何爲，答言衣食術。關內有
黃敞，記里三舍半。山高多杼櫟，伐薪利用煨。其地鮮稻
秔，斗粟百斤換。炭賣復易錢，錢復易米爨。以此老筋骨，
顧口復顧眷。豈無高岸坑，屢躡脛輒斷。豈無蛇虎傷，見
則奉頭竄。隆冬雪霜天，努力尤不倦。豈不畏饑寒，但憂
炭值賤。去年成都府，錢小不堪買。私鑄塞其間，甚爲民

不便大吏聞當宁行文各州縣盡繳青蝦蟆洪爐重鼓
煽開局摩訶池催炭急於箭睢水炭所出奉令孰敢謾
老少俱供役牽挽走山棧十日一往還得緩甫一串燒
木罄南山尙不輸鎔鍊公鑄私又攬新錢舊復揀今年
府東南民好又改變只用瓣子錢一槩斥爲贖官禁抗
不從那復懼鼎輟漸至錢不行貿易只米麪以此代憂
天常抱杞人患斑白何足惜疲癯亦已慣今年復來年
聊借炭爲參但使不擇錢溝壑填不怨

哀中山采煤者

姚椿

五行火無質乃自他物掇油與薪炭外煤賤利莫奪惟

惠伐取艱山根恣搜刮洞深杳無底洞口丈餘闊墜落
泥海中側足無路達斧斤聲丁丁地脈刻意割十步置
一鐙照見腓無狀冥行歷寒暑食盡耐飢渴掘久山骨
空當頭壓肩骸生埋獨何辜一崩百夫闕或鑿水脈通
橫流勢莫遏受此地水災九死或一活面目誰復識皮
骨便疑脫可憐鰲黑軀歷劫不能拔錢刀亦錙銖性命
竟毫末

瘠土貧民

平涼新樂府

甘肅民皆貧苦而平涼尤甚作令三年耳目所及有不忍見聞者作新樂

府四章烏虜司民牧者患於疾苦不知知之矣而不能爲之所徒託詩歌以自解免罪可道乎

龔景瀚

平涼民居何所此身未死先入土。蟻穴憧憧自往來蜂
窠處處分門戶。炕前列釜竈炕後聚男女牛羊在屋上
雞犬在屋下於時言言於時語於斯歌哭於斯聚自從
子孫溯宗祖數輩不識瓦與柱昨聞張家莊滂沱三日
雨崖傾牆壁崩壓死不知數嗚呼平涼之民何太苦
平涼民身何衣背上一塊花羊皮白布三尺蔽前後手
足凍皴如裂龜十三女兒議嫁娶縮手窰中尙無磅一
家團坐薰馬通但擁殘氈與敗絮客來賣布不索直秋
量米穀夏量麥傾困倒廩不敢辭身上有衣口無食昨

聞官府出明示嚴禁客民索重息民愚深感縣官仁卻
恐今冬賒不得牀頭餘粟幸不飢妻子相顧寒無衣北
風刺骨冷欲死豈能待至夏秋時

平涼民耕何田賦籍沿自明中年民監更屯自有四輕
重相去如天淵民田什一古所定科則况分原與川監
田牧地賦更薄每晦不過十餘錢獨有更田本王府昔
日私租今作賦屯田大半民棄餘溝底山頭多瘠土當
時屯政隸軍官緩急操縱猶等閒今日司農有定額取
盈歲歲誰能刪豐年畝登禾數束盡納官糧尙不足

聖恩浩蕩大如天二十年間詔屢蠲歸家感泣告妻子

依舊新糧完不起纍纍鞭扑滿公堂官府但道民無良
平涼民讀何書師一弟子百有餘古寺團樂高下坐闕
堂一樣聲葫蘆讀罷依然不識字何況通文曉大義今
年荏苒復明年多少英才皆暴棄就中敏者十餘人學
臣草草與衣巾出入鄉間耀親戚何殊威鳳與麒麟大
雅沈沈久不作浸淫何怪民風薄文翁蜀郡潮陽韓誰
與斯民作木鐸柳湖高柳碧參天壞壁殘垣冷暮煙顧
榮去後風流絕絃誦無聲二十年

顧太守光旭建柳湖
書院已圯近始興修

周錫溥蓬草篇見樹藝門

施州挖蕨根

憫窮黎也

詹應申

客民買田起庄屋土民與田賴耕牧田不能耕賣黃犢

且向山頭種苞穀隔年苞穀苦陰寒瘴雨蠻烟蒸不熟

穀不熟蔽頗肥賴有此物能療飢老稚腰鎌婦背箕

人以竹編箕負於背上遙指西山比南畝青青不見蔽

謂之背箕取其輕便

苗抽下有蕨根大如斗蕨根大者其苗細如枝葉蓬生則根不能食矣鐵鋤斫

斷絲纍纍山骨還凝土花厚輪困大束帶雲歸杵響深

宵搗茶白漉以清泉澄盎中色白居然調雪藕冰霜歷

盡春風來一日能儲三日糗還怕長條密葉生根深難

覓千金帚嗚呼蕨根挖盡石亦枯民苦併無蕨可鋤

婦女

季麒光田婦行見田家門

茂苑花

果震方

古言生女好猶得嫁比隣吾言生女好不如嫁遠人間
門佳麗地綠水環粼粼生女勝生男黛眉朱點脣十三
不織素十四不烹紉自小習儀態度曲彈箏纂盈盈十
五六見者驚若神千金詎肯顧十斛未爲珍青鳥通意
指鄭重說良因不惜道里遠彩翼騰青長翩僊輜駟去
珠翠光照塵富貴過故鄉榮光被六親嗟嗟蓬窗女窺
戶空長鬢終歲績麻苧不能煖一身折蒿以爲簪頭上
無金銀豈乏窈窕姿可以供采蘋嫁爲田家婦沒齒甘

長貧試歌茂苑花。芳菲亦同春。苑枯各自異。始知貴緣
貧。

侯門妓

唐孫華

吳娃十四好習身。織白娉婷結束新。父母相矜指奇貨。
許聘當須予貴人。紅顏誤盡爲黃金。輕車北送侯門深。
便如嫁女與河伯。不是波濤亦陸沈。侯門鎖閉教歌舞。
日久飄零配厮豎。縱令土骨颺爲塵。塵飛不到江南土。
死別生離遠鄉井。音書長斷飛鴻影。不如嫁與比鄰兒。
時餽耶孃一箇餅。

棄妾篇

張鏐

有女字阿貞。生小昧來。歷疑是北方人。流離認親戚。長
成十四五。姝好兼敏捷。已知兒女情。嫁爲劉氏妾。良人
雖無子。未敢戀枕席。大婦不能容。妒心日以積。憶昔初
來時。駕言有鬼物。相將作聲響。無計可除祓。狂童肆讒
口。彼此懷疑惑。愈久事愈多。見怨不見德。亦曾下疋繾
謂不勤紡績。亦曾供三餐。謂不辦飲食。可憐嫁時衣。至
今猶穿著。垢污類油煎。零落同鼠囓。綺羅非所望。與郎
索布袍。自分無罪過。詎意有啾唧。惡聲作長談。毒手更
凌虐。夜中願投繯。日間思仰藥。可憐三四年。養成青絲
髮。欲摘繫梅仁。愛惜不忍伐。蓬鬆難再梳。恨深已到骨。

一朝付剪刀休嫌太倉猝良人見此狀不寒而自慄泊
法旣已窮實乃膏肓疾遺歸乃無所容留懼有失再三
自躊躇遠計莫如出夫婦集鄰媪成羣互覺察劉郎有
外母女中最狡猾巧言謂阿貞於此日相軋何如居我
家眼了聊暫拔攜手同歸去多端布心腹善死甯若生
佯笑猶勝哭一碗不作聲兩甌卽碣碌古今賢夫人幾
人稱雍睦婢妾多幽閉衾裯怨孤獨我女實鷗鳥視汝
几上肉黃泉路非遙青春去不復汝當聽我言我當爲
汝卜近地有少年大約廿五六生計亦豐腴秉性尤善
淑生平未得妻得妻必憚伏懸知日相對相對不出屋

果能結親婚。因禍以致福。阿貞默無語。悲啼經再宿。開
言告阿母。凡人非草木。阿母爲兒計。兒已籌之熟。念兒
無父母。更鮮親。與族日後常往還。雖死亦瞑目。阿母旣
主張。不敢有翻覆。外母謂女夫此事已妥帖。乘彼未轉
移。疾忙整行笈。去期定十月月之二十一。良人痛別離。
珠淚滿。睚盜中厨。出酒餚。杯盤案上列。舉杯欲飲酒。相
面各嗚咽。阿貞旋起身。歛衽向前說。夫君昔娶我。本意
延瓜瓞。生則願同衾。死則願同穴。誰知僅三載。恩情中
道絕。出戶卽天涯。須臾成永訣。最苦是生離。生離當死
別。回身復歛衽。容色愈慘切。念妾失教訓。性情實乖劣。

主母罵阿貞。心中偏喜悅。阿貞忤主母。慎勿記饒舌。夫
君將五旬。膝前無嫡血。主母幸留心。當令生萌蘖。夫君
與主母。各自修名節。他日念阿貞。歲時一相接。大婦聞
此言。掩面若涕雪。良人聞此言。撫心似刀截。傍人促登
車。燈火轎前設。女伴牽衣裳。不能久周折。一步兩回頭。
寸腸千個結。

女耕田行

滑汝謀

四座且勿喧。聽我長歌女。耕田妾家無子姑。已老夫壻
能養死。復早薄田數畝舊。所遺耕耨無人半。荒草族中
子弟氣。食人欲佔此田。逐妾身其人。金多輔者衆。佃戶

逡巡不敢種老姑嗷嗷待朝餽含羞出門親荷鋤可憐
耕田腕無力安得將來觀秀實未終半畝苦不勝淚灑
麻衣重歎息不歎一死向九泉念我老姑倚望柴門前
誰家遊女相擁簇滿頭翡翠雜珠玉暖風吹衣香襲人
道傍老幼目相屬妾容憔悴塵土中野田幸免狂且辱
但願耕田勞且安種得升斗先了官自炊餘粒勸姑飽
誓不將田與凶狡我聞其語心傷悲人生無良不畏天
作事橫肆何不然女耕田勤且賢

吳趨
吟 冶遊

邵長蘅

吳峯如點黛吳溪如染藍吳娃豔妝裏冶遊心所欣玉

腕黃金釧。鷓鬢琥珀簪。月華白褶裙。杏子單紅衫。二月
春始半。踏青邀女伴。小桃虎邱紅。新柳山塘短。燒香觀
音山。絲繡三丈旛。拔釵供佛會。共郎遊梵天。五月胥江
怒水嬉。瀟瀟渡團扇。薄不遮。故教冶容露。六月荷花蕩
輕橈。汎蘭塘。花嬌映紅玉。語笑薰風香。中秋千人石。聽
歌細如髮。十八楞伽山。湖亭待串月。何處更登高。吳山
黃花節。冶遊春復秋。婉孌不知愁。西鄉大養蠶。東鄉種
棉花。養蠶姊條桑。種花妹紡車。儂自袖手坐。衣著綾羅

紗

石砮行

秦夫人良玉忠州人掌石砮宣撫使印明
季屢立戰功莊烈帝嘉之賜詩四章旌其

功流賊入川夫人以精兵并夔巫問軍聲大振蜀亡後張獻忠招之不屈固守石砭終其身其大節有足多者蜀人能言其事

朱樟

巴東健兒談石砭秦夫人系儒家女一朝冠帶領蠻酋

娘子軍容壓益部弟兄分將白桿兵

良玉及弟名屏皆將白桿兵見明史

豈獨夔巫鍵門戶憶昔援遼破蘭功內家妝束驚秋鴻

綠沈槍舞春星轉花桶裙拖錦帶紅昂藏綽有丈夫氣

帳下粉黛多雄風雕面侍兒工走馬繡巾小妹解彎弓

水赤岷江徧流毒天墮妖星蟲入腹黃虎所過殺氣腥

張獻忠面黃川人謂之黃虎見本傳枯斲骸饜人肉可憐開府不知兵

用秦夫人語謂邵中丞失爭蹊要爭平陸孤軍事急無奈何箸調

帚驅空迫促

繡府家法以箒調兵則能飯者畢至以帚驅兵則全營悉出

坐見東西

蜀翦屠抽營贖有蛾眉哭孀婦當年受國恩璽書頒下

懸軍門龍顏尙隔平臺見鳳紙親題尺綉溫窈窕丹青

人不朽

試看他年麟閣上丹青先畫美人圖見思陵賜詩

肯使勲名婦人有一

時巾幗盡須眉馬下紅旗馬前酒蜀亡不肯樹降幡此

身未死殘疆守大節英鋒未渺茫青史流傳挂人口成

都顛覆燄熏天印笮皆稱大順年

張賊偽號

一婦嬰城勤保

障蠻夷君長韜戈鋌夫人生長青閨裏不願低眉嫁鄉

里請偕刀劍立邊功誓拋白骨沙場死迷離兔走木蘭

詩玲瓏玉刻琬炎字甯南大帥忝同名忠勇何曾及女

子秦夫人遭逢國步何艱難
夙童能歌女能舞編入樂
府朱絃彈一彈再唱聲嗚咽
海棠花謝春風寒將門新
婦誰最賢至今傳有沈紅蘭

夫人子婦沈氏
繼掌石在印

城西嫗

顧嗣立

城西路上風蕭蕭
攔街痛哭聲號啕
就中一嫗聲更哀
上前問哭緣何來
官司誤傳點繡女
家家婚嫁不擇主
爆竹終宵響過天
輿馬喧闐無空土
我女閨中十五年
眉如柳葉顏如蓮
恩忙錯信東家女
細馬馱歸紅錦纏
入門結髮堂上坐
邨下雨兒年已大
側目追隨婢妾班
夜抱衾裯和月臥
可憐嬌養蕙蘭姿
忍淚吞聲從此畢

聽嫗言且勿哭君不見趙家女年十六昨宵花燭照顏
色夫婿今朝作八十

頰花謠

倪 蛻

紛藉此羣婦判押顛頰交或荷薦與鋤或負桶與瓢或
平治道路努力把鑿或沉掃行館摳衣事藜藿羞面
怕向人抑抑不自聊試問路旁子爲我言叨叨鄧川地
瀾小戶口實摧凋近復因備兵供億多差徭每一遇檄
送用夫如牛毛排門苦未足婦女安可逃昨日新官到
吏役方參朝忽聞使節泣火票騰四郊沙村三十戶夫
男傭富豪紛藉此羣婦橫被官吏抄復恐有竄逸判押

國朝言金 卷三十一 三
顛頰交誰家無婦女此厄真慘遭新官有新令忍辱候
回銷然非舊時例創見從今朝我聞三歎息抱憤心搖
搖大夫風化主權柄手自操即使俗習陋尙當迴狂飈
况導以無恥甯不成教獠政理遂既失鸞鳳變成鴉培
護道或謬蕙草化為茅羞惡心共有坐惜廉恥消既爲
賦稅民敢辭執役勞奈何押婦頰遂成千古嘲老夫未
經見頰花爲新謠

江右放野 顛俗推蘇多需粵女女行商 盤
紀風 不戒主亦利之名曰放野

采薪復采薪粵女養顛人但飽顛人腹不惜粵女身朝
亦去采薪暮亦去采薪朝亦不采薪暮亦不采薪得錢

買乾柴豈必由斧斤。君不見吳家之姬鄭家婢。磨墨知書不入市。

斷鍼吟爲李景山母夫人作

陳章

兒讀書母縫裳。寒鐙一盞冬夜長。布澀指僵鍼易斷。積久星星匣中滿。一鍼度千絲。十鍼度萬縷。不知許多鍼穿盡。人間苦鍼可爛兮。心不腐。開匣看時淚如雨。

姑惡篇

鄭燮

小婦年十二。辭家事翁姑。未知伉儷情。以哥呼阿夫。兩小各羞態。欲言先囁嚅。翁令處閨閣。織作新流蘇。姑令雜作苦持刀。入中厨。切肉不成塊。礪硯登盤盞。作羹不

成味酸辣無別殊析薪織手破執熱十指枯翁曰是幼
小教導當徐徐姑曰幼不教長大誰管拘恃其桀傲性
將欺頹老軀恃其驕縱資吾兒將伏蒲今日肆詈辱明
日鞭撻俱五日無完衣十日無完膚吞聲向暗壁啾唧
微歎吁姑云是詛呪執杖持刀鋸汝肉尚可切頗肥未
爲癯汝頭尚有髮薶盡爲秋壺與汝不同生汝活吾命
殂鳩盤老形貌努目眞兇屠阿夫略顧視便嗔羞恥無
阿翁略勸慰便嗔昏老奴隣舍略探問便嗔何與渠嗟
嗟貧家女何不投江湖江湖飽魚鼈免受此毒荼嗟哉
天聽卑豈不聞怨呼人間爲小婦沈痛結冤誣飽食償

一刀願作牛羊豬豈無父母來洗泪飾歡娛豈無兄弟
問忍痛稱姑劬疤痕掩破襟禿髮云病疎一言及姑惡
生命無須與

捨身行

鮑 臯

揚州城內商人婦婦人尊貴自作主大婦捨身獄廟裏
中婦腰牌印累累小婦懦弱不任事隨鴛最得娘娘喜
揚州少男故多女生女多居大門戶女不縫紉不機杼
但坐飽食談鬼語隨駕上天樂不苦釵厨黃金太倉糶
畫旂繡繖應官府十人爲什五人伍嬌羞各自命伴侶
東家西家好隣里問我諸姑及伯姊十五五一張紙

生不同生死同死房中乳保羣婢子平常東溼荷驅捶
上下一牌同列取他日左右相依倚茶姥酒媪何能爾
可憐貧家亦如此日日從夫索錢使吳人淫祀楚巫鬼
揚跨吳頭踏楚尾岳祇尊嚴媼后土敬之且審敢玩侮
汝干以邪赫然怒不以福汝以禍汝婦人不知道義故
家翁癡聾奈何許吁嗟乎家翁癡聾奈何許

縫窮歎

祝維詰

縫窮婦人家何方提兒挈女輕故鄉粗知刀尺能裁量
遠來餬口逐隊行無家客子衣服破呼攜敝席檐前坐
縫來縫去鍼縷煩猶道工夫不多作北風夜起天乍寒

塵沙滿鬢生計難可憐十指僵且乾自顧瑟縮衣裳單
不見長安富家女手織不動無鍼癢年年被服羅與紬

紀事

莊綸渭

前溪作吏久蚩蚩半熟識姓名記不真面目尙能憶一
日初放衙有人向予泣咄哉彼何人自言籍安吉本是
儒家子生涯寄耕殖娶婦自康山兩月佐紡績歸甯阿
母留姑亡不見媳稽首啟婦翁往返空如織予迅傳里
正里正詰前述遲歸非女心有淚滴母側阿母憎婿貧
匿女辭以疾何物此老媪我聞怒於色黔婁亦窮士妻
賢締膠漆真缺一農夫妻敬饁耨食樂廣契衛郎蘇家

憐子立豈有向子平嫁畢仍不畢此風不亟除寰人盡
無室好語安吉氓肩輿詰朝覓爾其矜俟予予言慎勿
汝晨起集儻從茫不知所適趣之西北行州里只瞬息
到門闔無人聞風已潛匿來一白顛叟問年踰八十積
懣因比鄰一一訴其實斧伐門之櫃門闔阿母出母出
阿女隨愁顏半羞澀予曉以大義情至而理極阿母俯
無辭阿女涕沾臆鬱鬱久居此苦被父母逼願從夫婿
歸永永諧琴瑟阿母謂阿女畜汝乃不卒自逆就筍輿
觀者驟雲集媚依宛如初此夕是何夕女不詣公庭官
不行勾攝作合惟斯須需者事之賊六載無他長遇事

傾悃獨立濡兼維風此事乃其一

縫婦怨

王鳴盛

縫窮婦人走路旁提攜黃口來殊鄉爲客補綴十指忙
得錢不足一日糧東家女兒時世妝可憐傅粉復熏香
鍼線不拈衣滿箱

京師樂府 縫窮婦

蔣士銓

獨客衣單襟露肘雪中凍裂縫裳手檐風吹面縫裳手
兒女爭開啼哭口夫難養婦力自任生涯十指憑一鍼
狂且或動桑濮想蕩子戲擲秋胡金君不見紅粉雲鬢
住深院雙手不親鍼與綫笑他女兒性癖習女紅窮人

命薄當縫窮

寒女吟

畢沅

桃實初蕢梅已標寒女深居人未曉悅禮明詩操作工
祇餘阿母憐嬌小東隣嫁女歲纔周已見歸甯抱阿侯
西隣小妹年十四又說冰人來問字阿母相看常惘然
蹉跎吉日復經年蹇修叩門忽致語昨日襄陽來大買
爾若能趨時世裝不恡金錢便相取寒女殷勤笑相謂
雞逐雞飛各從類女羅平地微賤姿無因結託珊瑚枝

梳頭曲

刺妖冶也與李昌谷詩義不同

吳蔚光

日挂樽桑紅十丈頗黎牕暖流蘇響海棠春睡未足時

殘夢如煙碧空漾入寶鏡開鸞鏡光燕支濃和宮粉香
三釵三傅浹肌肉臉霞嬌壓芙蓉塘掃眉宜長不宜短
點脣喜深不喜淺生來髮要養嬈梳委地披披綠雲軟
雙盤蝴蝶辮玲瓏新興元寶撩尤工蟬鬢蓬成含孕蚌
鴟鬢花變繫書鴻銅絲倒裏百花媚北京蓮草花新異
罷戴金珠小步搖古式安能及今制長襲紺黑廣袖黃
雀翎翡翠羽繡襖顧影自覺可憐愛何況少年紈袴郎
鈿車畫舫樂游玩千人手指萬人看誰家美女獨倚樓
尙是空心桃子頭

汲水婦

陳聲和

汲水婦官道傍黃塵滿蓬鬢卻有青矚光客行日中正
苦熱詩脾乞沁珍珠涼如何一勺雜泥滓水中鹽味難
爲嘗未能便解長卿渴一笑不是雲英漿婦言此客殊
不省此問那得清泉影半杯涼酒賣三錢十里炊烟爭
一井此井深深遠路闊只愁提甕力難肩數升水飲全
家共一滴何曾肯棄捐

乞人婦

又

乞人婦微有姿向客乞錢暮夜時狂且窘辱不敢辭厥
夫可憐顏甲厚日拾馬通逐車走黃昏歸來欣得錢一
飽嘖嘖稱婦賢爲婦拭啼痕勸婦開笑靨明朝向人莫

羞澀媚態從來須慣習。吁嗟乎古之乞人不使妻妾知。今之乞人那忍用妻妾。

江北婦女歎

蔣知廉

婦女生田家辛苦多。備嘗自小習耕種。老大謀稻梁。短巾不掩鬢。野服難爲粧。置身塗泥間。容色風吹黃。春來事犁鋤。秋至築圃場。秉穗無遺滯。饒餉還相將。豈不樂膏沐。歲苦歡無常。豈不圖安居。何以籌資糧。如何揚州人。百里共此鄉。風俗迥然異。苦樂殊不當。生小閨閣中。出入羅綺香。日旰臥未醒。月上方酒漿。猶嫌寂寞居。絃索招歌音。那知盤中食。粒粒辛苦償。

瘦馬行

吳下奸媒收養貧家女居爲奇貨謂之養瘦馬作詩傷之

沈清瑞

養馬不要瘦要肥養女不怕奸怕媼馬瘦尚可騎女媼

不可醫

解一

奸媒前致言吾有一術可以易媼爲妍爾

女寄育吾家傅脂粉著綾羅學管絃一年二年定然有
好容顏亭亭裊裊能得官人憐珍珠十斛黃金千未嫁
噉我飯旣嫁償我錢

解二

官人來買妾車馬闐溢喧路

衢入門上坐女出再拜起居問年紀十五不足十三頗
有餘奸媒誇說好姿首村姬粧束也復神仙姝奸媒一
何詐官人一何愚無鹽西施目不辨千金揮擲輕斯須
三 父母前取金奸媒突而前未嫁噉我飯旣嫁償我

錢子母相權盈盈百且千。亟須償我償我不得暫延。

解四

奸媒取金去。父母血淚落。眼看鸞女錢盡飽。奸媒橐

解五

觀繩伎諸戲

周 鏐

垂髻女子十三四。窄袖弓鞵逞奇技。最小更有七齡者。
亦復蹒跚助情致。瓊瑜貼地鋪錦紋。承肩反踵紛接替。
翻弄柔腰類研棉。顛倒雲鬟如轉繫。皓腕乍舒始向下。
人面反從胯間覷。纖足故交文項前。左右輕捎鴉掠翅。
故教累席狀層臺。捨身一擲胸貼地。依然起立忽飄撇。
反作善才龍女勢。就中小者更奇絕。伏地仰翻手足振。

有人拾之拋向空輕若彩雲墮簷際堅似蛞蝓抱泥丸
屢屢擲之等兒戲大者更以首抵腹翻身倒立更無忌
半晌乃稱一劇畢裨齒跳躍起蹕厲少焉更呈走索能
坐客羣起各翹企長竿持向空處來弓彎瘦削與繩例
坦然履之更不疑徼倖於險似居易有時獨立用一足
故作嬌行纖步滯有時如飛縱往來仙乎仙乎有其意
忽然失足及中間衆目同疑衆心悸豈知笑作楊妃舞
橫臥朱繩展半臂兩足左舒右方屈憨慵作態弄嬌媚
撒手容易起立難無可藉手鮮奇計悄偷左足比於索
以右及之立如植一竿握手平如衡雙翹緩踏自伶俐

舞罷輕身始下來。心好其奇口不啻。主人勸我醉一觴。
舉杯不覺生嘅喟。人生好奇乃見此。理之所無事難既。
夫非盡人之子歟。矯揉筋骨鑿險秘。細推其故頗不得。
少成若性階之厲。得錢論鈔不嫌多。毋乃終爲口腹累。
安得黃金變爲土。男也服田女主饋。

汾州觀太平村婦甕戲

顧我樂

甕高五尺脣徑尺。腹大可容粟。兩石質重詎等浮。水飭
中空不類支柱。碣灌叟手抱艱。課功擔夫肩負。悵疲役
曾資酷吏施。毒刑閒傍糟。牀貯清醪。新年廟會百戲陳。
搬演牛鬼兼蛇神。陡見平地。纒几案。鳴鉦四顧招遊人。

何來邨婦儉裝束，阜羅紮頭布纏足。不持門戶把鉏犁，不習謳歌侑醕醑。慣攜竿木戲當場，豈臺不用人扶將。以背貼案雙足舉，先弄革鼓聲礮礮。須臾昇甕夾股際，乘勢瞥向纖趺綴。盤旋轉側總麗空，高撐只以足爲帶。徐踰甕口仰射天，卓立不動無頗偏。玉女一見定含笑，謂可分植華池蓮。似此位置穩不落，已令觀者神錯愕。決起忽疑兩翼添，飛回仍在雙翹著。戲畢翻身下地行，鬢髮不亂顏不頰。衆口噴噴歎神妙，巧耶力耶難爲名。吾聞段師琵琶公，孫劍絕藝由來女子擅。翹關扛鼎氣並雄，吐火吞刀術徒炫。所嗟此婦真拙謀，絲牽傀儡何

時休得錢僅博夫醉飽獻伎終貽已恥羞何如早歲事
本業嫁與比隣議酒食提壺遠餉陌上耕弄杼近理窗
前織曷爲游手專以捷足誇終身墮落隨泥沙客謂此
論大迂謬覓食豈顧生計羞君不見汾河營卒千萬家
就中有女顏如花良人征戍久不返土室寒餓長咨嗟

走索行

梁玉繩

誰家女子顏如蓮全身裝束爭鮮妍鬢插蓮花額遮帕
塌來試技平橋邊橋邊絲繩爭牽引約以銅環束縛緊
纖柔兩手執沙囊步武安閒初不窘一往一來快於馬
或前或卻捷似猿忽然倒挂恣輕矯鉤住絲繩腳尖小

唐詩言金 卷二十一
五
詩
移時復見騰空來微微輕汗暈紅頤從容旋把雲鬢整
欲下不下還徘徊爲憶當初纔學步旦夕耶孃勤愛護
爾期走索向長街性命羞慙都不顧嗚呼性命羞慙都
不顧

解馬行

李芝

十三女郎柔且倩髻梳墮馬搖金鈿康衢明日走青驄
當筵先試長所擯凝眸簇步往復還隨風跳躍華雲旋
香唇覆地嘯疑猿錦鞋掠棟飛成燕踏繩舞罷穿梯
衣袂層分藍與茜忽然橫木挂中央身似金錢臂爲線
蕩搖未落鐃鼓停雙眸微動歌喉轉一女衣紅減一齡

偶聞且拂輕紈扇連朝官柳正青青昨夜剛逢微雨濺
纖埃不動曉氣清市中一望遊人遍聲聲銅鼓催金鈴
人能拏雲馬追電蕭梢俊尾去如煙翻身笑見春風面
乍驚墮地忽據鞍遊絲粘起落花片揚鞭歛態欲下時
袖中暗響玲瓏劍他年莫再逐浮萍

年漸長則有流帽之日矣

今日

堪憐比蓬轉

瘦馬行

石韞玉

養馬長苦瘦養女長苦醜駿馬一疋千緡錢富人金多
易嬋娟吳趨女兒歲三五剪趾修眉態楚楚千錢放客
窺春妍萬錢行酒長筵前爺孃論財不論耦嫁作邯鄲

賈人婦邯鄲賈人廝養材鴉挾彩鳳鳩爲媒吁嗟兔絲
心願託高樹枝引身附蓬麻軫軫終奚爲

鄉婦歎

劉侃

道遇鄉間婦前後來相續敝衣不掩膚面黃瘦無肉秀
人前致詞婦皆予隣族今歲逢荒飢田家貧無粟男子
遠力食遺此閨中獨飢來驅出門忍恥甘奴僕見人強
舉顏沿門丐餽粥婦人拙謀生那能辭嗔蹶嗟哉君勿
言予欲吞聲哭

豔火行

己巳秋演目連劇於城東之石牛舖絲樓

人因不戒於火燬焉閨幃弱質顛倒於濃煙烈火之中市井狂童狎侮於白日青天之下其折

波體焦髮膚棄釵釧裂衣裳者不知凡幾有斯
而自經者因作豔火行以爲幽媛觀場之戒

胡本

湘煙蒼蒼湘水綠湘潭女兒美如玉繡戶紅窗深護持
十里長衢列華屋瀏陽女兒解績麻安化女兒能采茶
獨有湘潭無所事指爪纖纖但繡花一日繡花三日坐
三日繡花纔一朵何處絃歌咽畫樓金鉞拋卻心如火
况復希奇如日連頓使幽冥在眼前鋼叉劈面信手擲
頽然之鬼冠觸天張家阿姊笑相逐李氏諸姨復勸駕
明朝蚤起但梳頭翠鈿金環都許借崇臺連延人海旁
駢肩爭上如驅羊疏簾欹側半遮掩鬢髻弓鞞那復藏

謹厚誰爲柳士師狂蕩都如杜牧之蒼鶻參軍都不問
偷眼惟知彼孟姬祝融驟見赫然怒卽遣飛廉作前部
須臾燭龍含火來一掃妖氛與冶霧麗華焉得睂井避
綠珠紛向樓頭墜黃塵撲面紅粉消頃刻姬美化蕉悴
來時楚楚好裳衣慚愧焦頭額爛歸來歲月連還救母
紅妝愼勿出深閨噫吁嘻來歲日連還救母紅妝愼勿
出深閨

走索行

朱彭

一夫導前鳴銅鈺有婦結束肩隨行三义路口喚戲索
兒童拍手歡相迎好事圍場歛錢急堵牆觀者羣爭集

衆中側出掠雲鬢勢欲騰空翻卻立回眸躍上神力超
兩傍齊駭聲喧囂娉婷意態獨整暇垂楊間擺風中腰
高步堂堂一徑拓此時眼底如無索往來絡繹驚麗馳
失勢一蹶力不支翻身倒垂猿挂樹半寸腳尖鈞索住
旋空忽作轆轤轉亂捲煙雲目爲眩人羨精能伎倆無
我獨相看爲嘆吁耕耘紡績棄不專輕身重利甯良圖
答云尊官莫嘲讓行乞由來非所尙江田米少征稅無
衣食翻懸一繩上頓年踏徧天涯路泣下吞聲難盡訴
譁然擁隊人競呼鳴鉦又向前村去

姑蘇船娘曲

又

綠漲山塘春澹沱布幔紗窗漾輕舸不趁商人挂席行
只供蕩子銜杯坐中有嬋娟翠袖單凌波作態偏婀娜
弱纜閒依燕影斜華筵低唱鶯聲墮急管哀絲暮復朝
別離情緒愁無那君不見江頭船戶炊蘆火兒女終宵
淚中籤蓬鬢飄蕭風露天四更自起先扶柁

藹

聯袂輕生

順德縣處女多訂爲異姓姊妹少者數人多者十餘人或相約不嫁或依

次而嫁或同日嫁或共嫁一人一女見梗則衆女死之官按其事謂之聯袂輕生一歲多有

樂鈞

姊妹生不同耶孃十人五人盟寸香同心共命過夫婦
冷煖不肯私衣裳相誓不嫁嫁亦異或同時日共夫婿

天地鬼神同鑒之耶孃可背盟難欺深院重簾春悄悄
姊妹歡多愁怨少雲間時見青鳥飛私情密事誰能曉
三月天桃花灼灼家家屏風畫孔雀可憐姊妹聞媒來
聯袂翩翩死香閣生爲姊妹花叢蕊嬌春華死化姊妹
鳥羣飛墳上草但見嬌鳥一雌隨一雄那見百花共蒂
同時紅世間兒女爲情死龍江女兒乃有此

又

摸魚歌

按廣東雜記云粵俗好歌其歌之長調者如唐人連昌宮詞琵琶行等以三絃

合之每空中絃以起止蓋太簇調也名曰摸魚歌今廣州所唱皆盲詞盲女沿街夜唱之

又

珠江潮水無清波盲女能唱摸魚歌繁音促節那可聽

鬻歌乃比雍門娥苦無金篦刮眼膜何曾對鏡自梳掠
青春不嫁弄潮兒身世生涯寄絃索飛鳥已棲譙鼓鳴
手扶老嫗肩背行街長巷曲是何處幾家燈火門將扁
門外人呼盲女止一歌再歌歌不已三絃嘈切檀板急
市人拍手主人喜可憐摸魚歌不訴中心悲不唱溥命
詞殘花落溷弄餘姿聲聲猶說長相思

吳趨吟
盪湖船

孫源湘

盪湖船一生不出白公隄清晨泛月采香徑日午載花
香水溪四角紅絡索八扇青玻瓈中間畫簾捲銀押陳
設玉爐金盃文犀碁桐橋日落煙波膩放手輕搖疾於

轡但聽雙橈劃水聲居然走馬看花意狐裘蒙茸坐誰
子白皙長身美髯紫當筵鼻息干虹蜺一見美人心肯
死美人家住桃花鴨金鎖葳蕤閉朱戶誰將小字說郎
聞苦要移船就儂語樓頭飛落一片雲照水六幅湘江
裙郎飲同心杯妾歌同心曲一杯未竟一歌續沈醉不
妨船裏宿

又
當鱸女

又

十五十六妖嬈姝春風吹酥玉雪膚門前繁花壓朱楯
屋後竹石交綺疏鸚哥玲瓏喚人住石鼎松聲靄香霧
畫眉妝罷膩春纖偷掠雲鬢理茶具何用別顏色霽紅

定白哥窯青何用別香味虎邱龍井及鳳亭湯成細吹
粥面聚點法別擅蘭膏馨銀船鑿落香一瓊直費中人
半家產

又 冶游女

又

吳山如黛螺吳女善畫雙翠蛾吳水如羅縠吳孃慣拖
湘裙幅二月踏青至虎邱春風顛殺春雲羞桃花見儂
學笑口楊柳見儂學垂手燒香拜上觀音山采絲親繡
觀音幡拔釵與郎祝富貴脫環與郎祝平安五月龍舟
早胥江水嬉好六月荷花香新波蕩新妝中秋約伴湖
心宴雪白玲瓏月一串一圍鏡裏一嫦娥箇箇團圓似

儂面春亦不知愁秋亦不知愁上頭金珠翠壓體綾羅
綢東家新興百葉髻西家鬢作盤龍勢阿儂不隨女伴
來那得梳妝入時世

又鬻女兒

又

生男不樂生女賀全家衣食賴奇貨十三教畫雙翠蛾
十四絃索調新歌十五天桃好時節桃花醜面光如雪
阿母歡笑眉眼開羣媒如蝶鬪香來五陵貴客願求見
門前立馬空徘徊鸚哥頻催進茶熟隔戶香風透羅縠
開簾錦鞵露雙鉤不動湘裙仍六幅恩恩下拜玉釧鬆
偷掠雲鬢指如玉日光一線射眉間四面紗窗紅映肉

問年年可憐手指明月三五圓問名名若仙簪花楷格
書紅箋低頭私弄合歡帶迴身戲撥琵琶絃客喜語阿
母千金不爲多翡翠雙條脫明珠壓綺羅清晨與郎見
日暮與母別骨肉自東西何煩淚嗚咽阿母思女心開
眼但見生黃金女兒思母意上頭只見新珠翠

送嫁娘

潘際雲

顏貌平等聲音柔生來精熟女應酬富耶貴耶無不知
袅娜入門先叩頭三年前百里內東家小姑長西家舊
目備探聽每先期伺候弗稍怠綵輿未至笙歌陳閣中
裝點新人新姊妹通稱貼身婢賓客先看簪花嬪

俗稱喜嬪

兩日花筵侍三朝餽女至慧巧能知初嫁心去留還視
新郎意夫人呼與金未受先斂襟前年朱門賞玉釧今
年豪宅施金簪男家賞女家添意氣伸詛隨妝奩萬錢
嫌少猶詰詰

舟人婦

常山買舟下杭州舟中有小婦年二十許
平湖人夫死歸母家母聽媒氏言得錢三
百千展轉鬻於舟人舟人買以娛客而色與
藝俱不能遂日受其虐余聞之爲製樂府

吳慈鶴

舟人婦詞太苦妾本當湖小家女家貧夫死不能存歸
向蓬門守阿姥阿姥誤聽媒氏言賣妾得錢三百千誰
知嫁作舟人婦欲教日換纏頭錢妾本小家女豈識歌

與舞既不能伴嬌。勸客傾百觴。又不能浪飛飛作野鴛。
鴛此身不合非錢樹。彼怒安容薄言訴。晨昏操作豈敢
辭。大婦能爲姑。勃谿晝遭鞭。答夜訶罵妾。身雖存存亦
乍妾。豈不願死妾有襁。裸子寄語世間未亡者。請抱女
貞木前死。勿傍他枝強連理。得錢阿姥亦聽此。

襄陽吟

大隄花 勸婦女也

周凱

大隄花映女兒肉。女兒顏色美如玉。襄陽估客來女兒。
競絲竹朝樂銅鞮舞。暮歌銅鞮曲。銅鞮不歌亦不舞。大
隄寂寞今非古。女兒把鋤犁。日墾山頭土。西風瑟瑟吹
衣裳。割麥插禾年復荒。箱無寸縷絲。屋無升斗糧。日望

大隄空斷腸何不分種南陽桑

襄陽婦女多從其男子耕種無蠶桑者

賣茶孃

女越人父爲縣令父沒流落嫁農家子以賣茶爲生

趙澄鑒

當爐好女烹春芽風神閒靜羞鉛華過客停鞭休浪譁
願客聽我歌賣茶阿儂幼是金閨女骨肉淪亡歎黃土
父官不足庇兒身親串衰微有誰主零丁嫁與賣茶兒
茶苦不如儂命苦含笑含顰無一可汲得寒泉愁照我
罡風吹鳳化寒號得過且過隨坎坷調羹糝豈未諳
茶事專司一鑪火火活水清茶色鮮芳心與水同熬煎
誰家富兒太齷齪德色向人酬百錢君不見東隣有女
面如玉日高繡榻鑪煙綠鸚鵡呼茶睡初足

珠江十姊妹

袁翼

不願同日同時生祇願同日同時嫁
縑盟鈿誓星辰前並枕喁喁語
深夜黃姑七夕催渡橋守宮點臂猩痕嬌
姊妹恩深壻恩淺窮袴不解芙蓉絲檀郎巧台氤氳玉
媚蝶神迷夢雙宿姊妹恩淺壻恩深雷電繞身月入腹
春光洩漏姊妹嗔申申來詈寒盟人犀漿一勺不罇忿
苜蓿胎裂珠成塵吁嗟平地老天荒萬年久此事人間
眞罕有

又秀才田

又

舉秀才不知書秀才無田食有餘夫作秀才婦作僕百

里擔登繭雙足秀才今年舉孝廉秀才無田今有田宗
祠合食踞上座妯娌避面慚無顏嗟哉巾櫛重科第羅
隱方干盡流涕

李旃邳城婦篇見孝行門

姚燮賣菜婦詩見貧賤門

妬婦篇

夏之盛

願煮大海水烹作梟鳥羹徧餉人間世妬婦不復生妬
婦無時無豪門更橫行可憐絕代姝生自詩書族十三
學翦裁十五工詞曲對鏡頻自憐宜貯黃金屋使君持
節來一見神魂逐神魂且勿逐使君有妬妻今幸隔鄉

縣遣媒前致詞。媒來告阿母。闕闕當共知。陳倉積朽粟。巨麓儲新衣。况復新貴人。驕從列旌旗。覓壻得如此。豈不誇門楣。阿母老且瞽。拜諾良不疑。媒來復使君。何以慰殷勤。洞房窈且深。稠幔沈檀熏。奩中七寶釵。篋底百褶褰。卜筮得良日。親迎盼合昏。新人剛入門。妬婦同入門。使君顏色變。鼓舞寂不聞。妬妻睨之笑。爲儂何殷勤。洞房窈且深。稠幔沈檀熏。奩中七寶釵。篋底百褶褰。咄釵與褰不爲儂。殷勤妬妻肆悍虐。新婦增齷齪。郎來私相窺。吞聲不敢哭。風雨夜如年。花月春秋促。對鏡頻自憐。何堪伍奴僕。地下多恨人。悽絕終埋玉。妬者不可

醫死者不可作遙遙薄命星。終古閃涼綠。

棄女篇

又

嫋嫋雙丫髻。豔豔五紋袴。女年纔七齡。鬻爲養媳去。養媳何足嗟。憐女自有家。堂上有後母。膝前有親耶。生母昔見背。女生祇三歲。父業託緱鉞。鞠女頻年瘁。前年後母來。父愛漸以衰。母有前夫女。提挈與女偕。女心隱自慟。烏鴉敢追鳳。妹幸親愛憐。勝姊耐饑凍。閉置深深帳。風吹猶覺痛。美衣讓妹著。美食讓妹餐。願得父母歡。憔悴亦平安。父母終不歡。兒身安所置。昔也盟山海。今并棄孤穉。可憐心頭肉。翻成眼中刺。諸暨有窮鄉。鬻女遠

寄將女家縱飲博姑惡翁強梁甘撫他人女親女徒遐
方熒熒離骨肉妮妮居閨房含淚別親耶親耶默無語
拭淚拜後母後母悍如虎回顧賣父妹對我匿笑嘆
玉妹快依連棄我獨茹嫋嫋雙丫髻豔豔五紋袴女年
纔七齡鬻爲養媳去去去首頻回行行難重來追思朱
母日襁褓贖孤孩桐棺長此別攢屋湯蒿萊出門嗚咽
去不敢邀父顧父心憚後母丁甯恐逢怒不恨人情惡
祇傷兒命苦桑上寄生根依附絲絲縉房中女貞木挫
折甘爲薪人生非草木胡不共陽春父也尙棄女凌辱
况他人

縫窮婦歎

鄒在衡

縫窮婦縫窮婦攜兒挈女沿街走衣裳破碎鞵底穿霜
天凍裂縫窮手含辛向客前致詞上有翁姑年力衰丈
夫久病責婦養一家全仗十指支朝縫一件衣暮縫一
件袴瑟縮畏風在當路天寒日短心手忙掙得青錢幾
十數買米歸家常恐遲兒要乳女要哺屋內翁姑飢日
暮煮一溢糝和一溢糶老不苦飢幼不啼牀頭半飽夫
與妻怕聽向夜攪飛雪明朝愁殺街心泥多少紅樓帷
不捲美人抹額豐貂煖玉蔥懶去撥熏爐繡牀兩月閒
鍼管作婦莫作窮人家今歲窮人尤可嗟只恐縫窮沒

縫處君不見山東千里無棉花

在衡又有江南行篇見兵事門

題清風店

閨媛宋娟

妾命如朔風飄然振落葉不入郎羅幃乃逐塵沙陌妾
本良家兒流落平康劫十三工秦箏十五好筆墨武林
遇公子知心不徒悅忽爾天地崩干戈作長別塞馬嘶
寒風皴肌冷如鐵誰謂文姬哀猶得過漢關誰謂明妃
怨猶能封馬鬣而我薄命妾終當染鋒血胡不卽就死
心爲公子結公子爾多情豈忘西湖月公子爾多智豈
不諒我節公子爾任俠忍委妾虎穴公子爾多交交豈

無豪傑媒妁扇上詩顛沛不忍撒忍死一相待悲酸難
再說

薄命詞

按無名氏傳及蘆中集所載邵飛飛福州人色藝俱絕康熙中耿精忠反有姚總督

幕員羅御史者隨王師入閩羅見而悅之賄媒氏伴云娶繼室其父母得千金焉既嫁隨羅北歸大婦妬悍以配一奴乃錄入

作薄命詞以寄其母而死

首 邵梅宜

煙樹關山幾萬重殘妝零落爲誰容如何的親生女
只愛金錢不愛儂

無端遊壻慕金珠堪痛雙親一搯愚寄語故園諸姊妹
荆釵裙布好歡娛

師子容他吼獨尊卻將奴去嫁司閻兒郎薄倖真堪恨

不記添香枕畔溫

憶昔雙雙倚畫欄名花曾對並頭看何期棄置如秋葉
忍把琵琶別調彈

挑燈含淚疊雲牋萬里函封報可憐爲問生身親父母
賣兒還剩幾多錢

想後思前恨轉加誤人多是浣溪紗既然負卻當年意
何必尋春到若耶

丰韻全消病已生人人猶道妾傾城郎心何似春江水
一任桃花逐浪萍

不須重賦白頭吟入骨憂煎死易尋贏得芳魂歸去好

一邱黃土百年心

悲命詩

何桂枝

六月六夜雨聲急有女不眠悲思集側耳東方人睡酣
倚牀低首羅巾溼有恨無可伸有語向誰陳坐對中宵
雨長嗟薄命身我本廣西城裏女此處爺孃非我親暗
想入九年前事寸心耿耿獨傷神憶我六七歲父母雙
拋棄寄養向貧親貧親無好義樽楮將軍門下客一時
假虎烈威勢與得金錢知幾何甘心驚我作人婢爾時
幼小只從他薄命飄零可若何當年攜到揚州地山程
水程萬里多揚州一人主翁宅年復一年誰愛惜朝捧

茶飯暮捧湯寒缺衣裳飢餓食主翁有時稍見憐主母
鞭箠那禁得忽然年來情意改當作親生女兒待許我
呼爺與呼孃梳頭裹足勤勞倍不知奸計險於坑謾道
厚恩深似海簫管琵琶學已終牙牌雙陸亦教通纔延
李姐傳歌曲又向張姑習繡工事事求全勤督責朝謀
夜議誰能測春來秋去時忽忽道我長大好顏色嫁得
富翁貴公子終身享用無盡極昨朝客到敝華堂逼我
堂前見客忙不識誰家輕薄子周身上下細端相但見
爺孃喜滿面我正無顏歸繡房驚猜不敢問自知徒自
恨耳聞堂上言贏得心中悶方知堂上賓乃是浙中人

工科給事官名重六十無兒娶妾新豈是尋常行禮節
只聞次第講金銀怪殺爺孃心慘絕千金百金爭未歇
我生時日我不知朦朧造作與人說初五聘定初七嫁
卻道行程圖快捷可憐我貌空如花可憐我命真如葉
今日人家呼作兒來日人家呼作妾以此傷心怨復嗟
夜深掩涕肝腸裂蚤知粉面換黃金悔不當年墮江月
已矣哉且莫哀不見揚州舊風俗親生兒女嫁天涯天
涯復海角骨月之間豺虎惡我復何須淚零落淚零落
情未休長江之水無西流風俗不改古人愁寄語紅顏
綠鬢閨中女來生誓莫生揚州

事詳何偉然廣快書後
載所養父母家陵替欲

往桂枝處有求而得桂枝書侍給諫公不一年公歿
桂枝無出其嫡憐之留以爲伴姬遂長齋奉金仙矣

北地佳人行

梁德繩

北地佳人少小時養成性格含嬌凝閨中行樂隨年換
世上閒愁百不知日高睡起心情倦草草緜雲盤翠鈿
玉裏珠圍替月姿粉妝香砌呈花面三春淑景麗桃花
百兩盈門御鳳車舅姑貴顯通侯宅親串經過衛霍家
麝帳雲深棲並翼相愛相憐復相得十三箏柱緩秦絲
入九鴛鴦圖繡幙夫婿豪奢貴有餘入園歌舞出瓊輿
吐金祗解憐舍利識字從來惱蟲魚高會晨朝連日積
瑪瑙杯深浮漣酪刻漏徐看玉帶圍貂蟬低映寒鴉色

華堂歡笑趁芳辰。願指微聞。促酒頻。侍女不曾拈繡譜。
兒家那復羨針神。洞房宛轉。連雲第。雕欄花鳥。供流睇。
無香最愛鳳僊嬌。多諾生憎。鸚鵡慧紅肥。綠膩裏香絲。
舉動人扶。忒自憐。綺閣莊嚴。長似佛璫窗窈窕。恍如仙。
少愁多病。長倚枕。五葉人。覆當茗飲。青鳥丁甯。浪自傳。
銀缸深秘。誰能審。無限繁華。難具陳。酣眠薄醉過青春。
寒門不少傾城色。翠袖空悲薄命人。

林昌彝射鷹樓詩話云海口不靖以來定海甯波婦女被毒最慘有帶至鬼國者有鬻與他人者有肆淫後投之于水者有贈與漢奸者陳少香借捺詩所以有紅粉千行航海去白旛一片上城來之句然各口官兵之害猶之夷醜也

婦女補

張燈曲

嘉慶庚午自跋語云
紀二十餘年前事

單可惠

上元張燈奪月彩古時姮娥應好在手攀桂樹看人間
春燈萬點春如海衣香人影何紛紛車如流水馬游龍
百戲魚龍爭變幻千家樓閣高玲瓏高樓有女桂爲字
碧玉芳年嬌春思身是仙人萼綠華誰爲漢代金吾婿
平原公子果盈箱樓頭車上遙相望美人手擲金橘子
天外飛來赤鳳皇笑乞風月作盟主世世生生吾與汝
爲郎膝上宛轉歌爲郎掌上驚鴻舞定情香火鑪煙綠
並蒂芙蓉春睡足鏡臺雙影映青山枕痕一綫圍紅玉

暮爲行雨朝行雲朝朝暮暮態更新誰謂名香疑賈午
忍教恨血向阿甄嫁衣焚罷饒激烈熟思生離輸死別
從容再拜無愧辭士死爲知女爲悅南山可移志不移
重重密誓兩心知不得跨鳳隨蕭史肯再將身逐子皮
阿郎題贈香羅帕送我悠悠卽長夜可惜風流放誕名
留與千秋作談話玉貌如生喚奈何生生死死爲情多
太息玉京仍絕豔難邀崔護活青娥返魂無術闔棺後
泰山鴻毛復何有柩出尙有神君風珠銷頓白阿爺首
深深埋玉青楓林漆燈黯黯月沈沈獨有阿郎呼負負
澆酒墳頭夜夜心墳頭春草秋聲起猶似喁喁綠窗裏

生時手刺百花衣化出愁紅與怨紫留香無夢哭吞聲
點點青燐作送迎六州有鐵鑄不得一錯須教誤一生
自來尤物傾家國男有奇才女奇色不有福德何以堪
福倚禍伏安可測無復豪華舊卓家壞道陰房啼鬼車
至今花市燈如晝共惜當年第一花有客省識春風面
持杯相勸寫哀怨與譜上元張燈詩碧落黃泉君不見
上元張燈自年年依舊姮娥到曉眠爲問情癡兒女子
紫玉韓童總化煙

國朝詩鐸卷二十五終